

萬國奇觀

坤

7

125

香函					
二	三	三	七		
冊	號	架	函	屬	類

二本

萬國奇觀第三集

法國顛覆記

當我寬政年間。歐洲戰爭紛擾。萬民愁苦。而法蘭西  
被害尤甚。始路易十四十五二世。國用大窮。而路易

十五時。政綱尤紊。日取民財。屢易官吏。時路易娶其



子奧地利儀物具備。華麗驚目。以國幣空竭。

取民財之時。而縱己之欲如此。是以民愈怨叛。於

是巴里門輕王命。謾教官。巴里門謂公會也。

先是英倫虐米利堅。米人與英構兵。請援于法。法王

路易十六許諾。遂援米與英戰。財用愈窮。殆不能支。



王患之。將改財政救民弊。宰相加倫亦孜孜謀改革。然此時國債既到六十億。無復所得財。故更課良民。取除地之稅。法民既知英米無此虐政。故屹然不奉命。敢請建兩院議國政。加倫不知所出。會貴族商議。然事終無所定。我天明八年夏。法國暴風迅雷。兩電並臻。而雹之最大者。重十穗斯。雷霆之烈。人不覺伏地。故禾麥草木葡萄蔓等。蕩然碎靡。上既無所取賦。下亦不堪饑餓之患。君以威虐民。民囂囂謗君。於是發憤著書者曰。太空中無有主者。國無政。民無教。人相賊。同魔鬼。是世界非世界也。執政尼加教路易

會高門士。高門士百姓推舉議國政者也。高門士會于弗尔沙以尔前。高門士之位列下等。稱下院。上等則教官貴人。彌上院。而下院常受上院之制。故不得同廳議事。至是高門士求權等上院同廳議事。法王及貴族皆不肯。高門士中有米拉別填者。挺出爭之。然言不見聽。遂自稱國會。居巴里斯弗尔沙以尔二地。路易罷宰相尼加職。以他人任之。今之借他國之兵以存國會。然國會志在安民。而高官貴族外修威儀。中實貪鄙。故巴里斯人民皆去而歸國會。於是建兵隊。彌國會兵隊。拉哈英都為總兵官。以兵威要法

王散他國兵。法王見勢不可自來。國會許之。法王既與國會和。十月朔。王族祝之。賜舖于弗尔沙以尔之民。而此事獨告困饑婦兒。越五日。巴里斯婦女亦集求舖。皆同聲呼曰。與餅與餅。又請送婦女于弗尔沙以尔。頃刻輻湊殊多。人肩相摩。拉哈英都不能鎮之。遂率兵送于弗尔沙以尔。婦女爭先而進。到則直迫王宮。王臨衆颺言曰。我速往巴里斯與舖。而妃尚欲以威歷之。晝間騷擾。到夜稍定。拉哈英都說王及妃曰。請以國會之兵擁護王宮。妃拒而不聽。拉哈英都悠然談笑歸矣。到夜半。有賊襲王宮。無有禦者。賊直

入求后妃。妃狼狽錯愕。僅以身免。至是王及妃聽國會之兵擁護王宮。拉哈英都戮他囚擬賊以庇胥王官者。而甘言誑妃。禮負隆厚。王族往巴里斯。國會護衛。供給頗豐。王族稍安。國會中亦有奸惡營私之人。出令悉廢古法。毀重器珍寶。奪地主之權。收借地之稅。割教官之地。以充國會之用。造銀券。令普通于國中。蓋稟於王。得准而後行焉。時國人愈惡后妃。皆謂王之失德。由其蠱惑也。遂執而幽之。時論以為過當。緣此王侯貴族。愈不能安。竊謀借助於奧地利帝。教官亦將伺隙以害國會。始歐洲列邦。觀望法國之亂。

至是聞亂倍熾。將進兵以救王家。奧地利之兵遂入法之北境。蓋欲護王族之遁逃也。國會覺之。惡王之陰謀詭秘。禁錮于巴廉那。既而奧兵到。國會相議曰。列邦連合。敵非獨奧。今新造國會。固非其敵。然不戰大事去矣。與其拱手待亡也。寧曝骸于原野。此時巴里斯又群眾蜂起。議論洶洶。勢撼遠近。王遂避其擠。於是選首領。號立法國會。魯蘭統內地政刑。多利亞管外國事務。奧帝法蘭斯令人言國會曰。法國之事。宜復於舊。否則當加劍戟耳。國會不肯。更調兵食。拉哈英都及魯古納將兵迎敵。適為白耳義所敗。普魯

士奧地利以十萬兵入于法境。聲言曰。有敢困王族者。屠之。國會舉日蒙利為總兵拒之。未幾。巴里斯大擾。鳴鐘播鼓。流血滿路。國會之勢愈險。宣言列邦曰。有民欲去其虐主者。國會其助之。遂迫路易令去王位。尋數其罪弒之。然民怒未息。遂又論后妃之罪弒之。於是國會改制度。定法律。立二等領事官管政務。一則選勳旧二百五十人。一則以國民所推選五百人。任之。練壯丁三萬。備器械。蓄糧芻。將以拒外患。而領事官首領巴羅。舉少年士官為總兵。此少年非他人。即拿破侖保那巴也。

拿氏蹂躪記

拿破侖地中海哥塞哥島人也。天資倣儻。少遊于巴里斯。入學校講兵法。既而為士官。將一隊。及歐洲列邦結盟。欲平法國之亂。則為總兵官。此時列邦連合。英倫壤地利其志尤堅。而英國政事脩明。君民一致。其勢不可驟犯。壤國列邦政事未明。君民異心。其勢可亂。因定策先伐壤。乃三將率兵三道並進。命入于意太里摩列烏。進于日耳曼境上。若爾檀越列應河而進。共期破壤。會其都維也納。摩列烏若爾檀既越列應河。壤將不能拒之。日耳曼各國唯驚愕狼狽。壤

將加爾列更勒兵擊若爾檀敗之。此時摩列烏既進二里。聞若爾檀敗。將收兵而退。然道途險惡。敵兵阻隔。頗冒危難。僅得全師焉。此時命越亞卑斯山南。殆出地中海濱。進于意太里。逢壤兵于腦多山。突戰敗之。是為第一勝。再進破敵于美列斯摩。三進破敵于門多比。未滿一月。三戰三勝。遂奪山道。勢如破竹。疾馳急行。越波河。勇氣百倍。與壤兵戰于魯地橋。壤將巴烏利不能支。遂退滿都。意太里望風納款。金銀寶貨地圖物偽等。多贈于侖。侖盡輸諸法國。巴烏利孤軍保滿都。侖從而圍之。危如累卵。壤帝法蘭斯發八

萬兵。以烏爾莫斯為總兵官。以救滿都。烏爾莫斯分兵為三。兼行赴之。倫既知之。分軍為二。一以圍滿都。一則自將邀擊援兵。敗諸倫多。再敗諸加斯。知倫總將烏爾莫斯得敗聞。自以中軍戰于米多拉。亦為法軍所破。此役也。塙師失全軍之半。倫合兵復圍滿都。烏爾莫斯收敗兵。還于智路。會塙將多比。都比率兵二萬援之。於是再進兵救滿都。倫聞之。亦分兵。自將一軍邀塙兵。晝夜兼行。到羅弗列多。銜枚襲多比。都比敗之。又以非常疾行。襲烏爾莫斯于巴沙腦。敗之。塙將尚決死奮鬪。遂入于滿都。時殘兵僅八千。塙帝

別令亞爾芬斯將兵救滿都。倫邀擊于亞爾格拉。亦大敗之。塙帝尚出兵援亞爾芬斯。於是倫之師始敗。倫收敗兵。戰于利甫里。破之。滿都遂降于倫。時歐洲囂囂相傳曰。意太里既降于法。塙國三軍敗于法。法將齡僅二十六矣。倫進于塙。首府維也納。洵洵驚愕。日耳曼侯伯咸會議于以天堡。而倫軍容嚴肅。在米蘭府。侯伯納款。咸來賀其幸福。遂割列應河濱之地于法。於是塙帝亦割地講和。倫得土壤極大。東從日耳曼西邊。東南到意太里境。而瑞士荷蘭全土。亦既隸法版。此時英倫獨頑于法。而自恃長於海戰。謂

誰敢敵于英者。法國領事官雖慶法威之日張。亦竊懼命勢焰盛。且握勁兵。遂擅權威。於是令命取英屬在于印度者。命速裝戰船。乘風候之便。龍馬爾太英將納爾森方巡行海上。見之直追法船。僅逃到亞力山大。命整河舟。溯尼羅河。至于談路。大戰。敗麥西。遂降之。納爾森整船隊入尼羅河口。血戰勇鬪。敗法船。威震地中海。時土耳其整兵將救麥西。命聞之。去亞弗利加。橫衝亞細亞。入巴列斯知那。擊叙利亞。以牽制土師。會聞英攻麥西。遂回師。先是列邦聞納爾森破命。復合拒法。命即率兵還于巴里斯。將再征四隣。

時巴里斯國會頗不和。首領不能鎮。命遂以兵威斥國會。更定官制。立三領事官。而自為其首領。行法國之政。猶往昔格朗空之於英也。於是覓和于英。英不肯獨俄背盟。與法和。命出兵問日奧之罪。屢出其不意。敗之日奧。復請降。遂割列應河以西于法。此時俄帝與噠瑞典合。欲因英英整戰船。龍噠入于哥本哈牙。噠請和。俄帝死。亞力山大嗣位。勸英法請和。和成盟于亞面斯列邦。共推命為法國大首領。而英還侵地。唯取錫蘭。特力尼。峇二地。於是命治內政。厚教化。復教徒。整兵備。務攬英雄之心。遂欲得帝位。以霸於



萬國音韻  
歐洲多英比侯論其悖理。命忽執下獄。射殺於湟中。於是眾請命即帝位。

拿氏稱帝記

我文化元年拿破命與妃約瑟即皇帝皇妃之位于諾尔達莫殿堂。時齡三十七。教官整服。獻皇帝冕。英國聞命將欲盡滅歐洲列邦。自為霸主。大怒其棄信背約。糾合俄奧將復伐法。命聞之。率兵疾馳。越列應河擊日耳曼。擒奧兵。更進到奧地律。逢俄奧之兵。此日適命即位之週暮也。乃以戰祝之。日出東山。鼓譟震天。勇戰流血。到於日暮。一勝一負。互求全捷。然俄

奧遂敗。法軍得勝。擒三萬人。得騎兵械杖無算。奧由是復背盟與法和。命既稱帝。大封宗族。兄約弗于那不勒。弟路易保拿巴于荷蘭。妹宝蓮于幾多尔拉侯。妃弟迷列于古列卑斯侯。妃先夫之子歐原于意大利副王。而以日耳曼列國十四侯為列應聯邦。命為之首領。今奧帝法蘭斯去日耳曼帝爵。唯稱奧帝。普魯士王威廉新與英盟擊命。先是命欺威廉。令取哈諾弗。尋復與于英。故威廉怒而起兵也。乃率兵十一萬。出于若拿。命亦率兵十五萬。邀擊。屢戰屢勝。未滿一月。擒兵殆十萬。得甲杖器械無算。遂入普國。割其

境土三分之一為法領。此時命在于普都伯灵。下令禁各國商人與英往來商賣。違者有罪。又停止英國文書鋪通。自法國外。兼行此令於奧普日俄意荷等國。英商竊笑之。而陰為貿易如故。先是英國宰相威廉比的施近交遠攻之術。糾合列邦以敵于法。而更遠出船舶。取法領在于亞細亞亞弗利加者。蓋印度好望角等。皆自此時為英屬也。比的忠誠憂國。四方多事。費國金錢供軍儲。無慮數千萬。而不營己私。身後逋負。巴里門為之代償。命既破普魯士東伐俄。俄人大震。勉護其主。命進到于伯都斯。俄兵拒之。互無

勝敗。再戰于以拉。自未時到夜半。血戰震天。俄遂敗。五月。命進攻但都斯。屠之。六月。又與俄戰于佛里爾。蘭大破之。又進奪高任。具不時。俄師不能支。則命求與俄帝亞力山大面議和親。於是置筏於尼泊河中。兩帝相會定盟。時英國竊懼。命用連之海軍以擊已。故先喻連人。令其兵艦受己制。連人不肯。英怒裝兵艦。調器械。遂攻連。敗之。因哥本哈牙奪其兵船砲械軍儲。輸諸英。然連國尚不肯降。收敗兵。遺戰書于英。先是命與俄和。更注目于西班牙。葡萄牙。竊與是班牙王查理盟。借道于是。伐葡。進于首府里斯本。而令

人言曰。伯拉于薩族。不當為王。葡人不肯。於是王族  
雇英船逃于巴西。法與是分葡地。既而命更令人離  
問是班牙王族。王族紛爭。勳貴分党。國王查理四世  
避位。其子非難多即位。命乘釁伐是王族。離散衆心  
不一。扞禦無人。法軍乃入馬德里。終以是屬於已。列  
邦聞之。大惡命之悖逆矣。命既滅。是掠奪是國富民  
金銀財貨。悉輸諸法。是國之民不堪憤懣。欲併力報  
恨。一舉義旗。會者十萬人。於是復推非難多為王。碎  
法船在于加田四港者。追法兵駐于是者。先是命封  
約弗于是。受任將入馬德里。到則是民既叛。乃逃歸。

先是英王若尔日三世死。若尔日四世立。聞命逆是  
民與是葡二國合兵擊法。英將完勒斯力至里斯本  
北方海灣上陸。敗法將如諾于末美拉。英復遣兵于  
是。命聞之。自將兵向于是。是軍不能禦。即降。進困馬  
德里。防戰七日。亦降。英將約翰摩爾自葡入。是救之。  
始與是軍約合于薩拉芒加。到則是兵失期不至。將  
退兵。法兵追擊。時值嚴寒。山嶺冰凍。風雪搏面。加以  
糧食竭盡。英兵多死。至哥倫拿。將航海還于國。法兵  
乘弊來攻。英軍敗績。約翰戰死。將領竊埋其尸于海  
濱而遁。此時俄與噠合伐瑞。蓋以瑞助英害法也。瑞

人固不服其王俄答非至是數其罪廢之更立查理  
悉追英船在于瑞港者先是日奧聞命西征復舉兵  
叛命即回師東征勢如決江河所向皆降奧帝遂復  
與命和奧之盟約條款比前加害命又聞奧帝長女  
馬利美娶之而去妃約瑟約瑟憂愁嗒嗟曰我觀法  
國禍不遠帝家大業必顛蹶

### 拿氏敗績記

拿破侖伐日耳曼時以是班牙葡萄牙戰事亦熾令  
約弗守馬德里其他選驍將據險要英將克林登與  
葡併兵擊法軍在葡法將勇戰血鬪互有勝負然克

林登智勇絕群遂入于是是王約弗雖扞禦盡力亦  
遂敗棄馬德里先是英將加丹率兵四萬入荷蘭天  
方炎熱清風不興荷地卑濕陣營四周沼澤殊多故  
污水蒸發疫癘流行將卒死亡兵算悉左遂收兵歸  
矣命既大勝歐洲諸國自為霸主蔑視王侯奧普瑞  
連日列侯雖為兵威所歷服中心怏怏不樂當此時  
俄帝亞力山大與土耳其其構兵聞命肆虐於是葡與  
土講和又與英結盟將以大抗命命得報告即備器  
械調軍資令先軍兼行入于日耳曼而與妃馬利發  
巴里斯軍容齊整威風嚴肅意期撲滅俄羅斯時我

文化九年四月也。既而命入于日。日之小侯郊迎。會  
奧帝法蘭斯于多列斯顛。於是命率日奧普之兵進  
于北。過非都拉河時。稱見兵五十萬。直臨俄境。先是  
俄既修兵備以待。境上要害皆壘。驍將銳卒。蓄怒而  
守。法將驅兵擊俄兵。法將敗。法將填多諾攻波魯機。  
俄將沕登元斯大敗之。法將馬格多納攻里瓦。俄將  
味撒禦之。八月十八日。命又兼行到于斯摩連斯哥。  
此地。在俄旧京莫斯科之南。而俄之中軍拒法軍于  
此也。命忽掩擊之。俄兵能禦。血戰鏖鬪。然遂退。法軍  
入于市街。忽然火起。火焰覆天。屋宇蕩然。無復可據。

命更進兵。到于保魯多拿。俄兵能戰。法兵力攻。軍隊  
馳驅。砲聲轟天。俄兵遂敗。法兵樹旆于戰地。時兩軍  
戰死者各二萬五千人。莫斯科守將慮法兵難敵。收  
兵避于北鄙。命遂入于莫斯科。府人騷擾。四散遁逃。  
乍見男女携火。狂走亂馳。忽然一點火起。時方初冬。  
寒風凜烈。須臾蔓延四方。火焰滔天。莫斯科府悉為  
赭土。始命思據此以防嚴寒。而今乃如此。大失望。此  
地在于北緯五十六度。山嶺冰凍。嚴寒風雪。芻糧無  
所得。而俄尚挑戰。於是命覓和。遣使于彼得堡。經數  
日報不到。命知事不諧。整兵復擊。俄軍北兵不悚寒。

而南兵不慣寒。遂敗。命決意南走。俄兵隱顯出沒。追躡愈急。命欲全中軍。過河即燒橋梁。以支追兵。後軍百萬凌險。奔馳臨河。前無橋梁。後有俄軍。投河死者。不知其數。命到于空拿。以軍委抹羅登。單騎還于巴里斯。欲經營後事。此役也。法將奈殿且戰且走。出俄境。人稱其驍勇。始命入于俄。時兵五十萬。而其出僅五萬。十去其九。敗軍之慘。後世所稀見也。列邦聞之。乘其弊。背法與俄英盟。欲併力滅之。先是命還于巴里斯。新募兵卒。速整軍資。尚欲與列邦鏖戰。俄帝乘勝自將兵入于日。沿道侯伯。從之如雲。則與普王陣

于多列斯顛。命以新兵三十五萬。邀諸日耳曼。直所俄普營破之。然普將伯路折亦敗。法軍于加都巴。其他法將敗傷頗多。緣此俄普奧之軍。皆得進取。命集殘兵。據米比錫。三國之師進擊之。命自指揮將領當敵。砲聲轟轟。烟塵蓋天。三日血戰。未決勝負。會列應聯國侯伯。倒戈降敵。命乃息戰而退。十月九日。還于巴里斯。俄普奧之師。越列應河入于法境。諸壘望風而降。英將窆林登又敗。法軍于是班牙。入法之南境。時命尚謀再舉。然士卒喪亡。人民愁苦。大事去矣。文  
化十年二月。三國之兵。入于巴里斯。令法人棄命立

路易十八為法王。削法地復故境。命勢甚衰。其左右  
勸之避位。命不得已從之。於是列邦議去其法帝之  
權。而猶存其號。放之於以爾巴島。島在地中海一切  
供給。法國輸之。歐洲戰事斯息矣。路易十八嘗避亂  
于英。至是因列邦之保護。立為法王。時王族勲貴。零  
落貧困。及故王之裔當國。彈冠相慶。作事狹貴。或報  
曰怨。緣此人心復思拿破侖。往會集密議。通書于  
以爾巴。命欲乘此舉事矣。先是歐洲列邦。以大亂始  
定。王侯公使會維也納。商議全歐平安事宜。時有報  
告曰。命以二月廿六日。脫以爾巴島。三月一日。抵法

境。其兵千人。向于巴里斯。列邦王侯公使驚愕失色  
曰。恐自此復多事。時命既入于法境。法人從之如歸。  
路易務欲固已位。盡力拒命。始以奈為中軍將。奈命  
曰將也。欺路易曰。臣應擒命。路易悉兵屬之。奈即迎  
命于路旁。命揚揚入于都城。遂放路易。而躬為法主  
矣。臣民歡呼稱萬歲。宣言生涯為法帝。英俄法普瑞  
是葡奧八國之公使。復會維也納。相議曰。命違約犯  
順。其罪固當討。且令命得意。則流血苦民。全歐擾攘  
以一人之故。害列邦平安。宜共聲罪致討。盟約既定。  
遂經理軍務。將向于法。先是各國屢為命所蹂躪。財

用甚乏。英國分貨幣千百朋度斯德零即我三千零八十萬兩于各國。以資軍費。英國所以致此富者。蓋以其獨不受命之蹂躪。而遠收亞細亞弗利加以大開貿易也。英將它林登將英葡是等之兵。普將伯路折將普奧日等之兵。以六月十五日。出于法境。十六日。命擊普師。勇戰健鬪。普軍將敗。它林登欲救之。法將奈攻英師以牽制之。使不能往助。普軍遂敗。英師亦退。是則命最終之捷也。十七日。它林登駐瓦得路。是日也。普英欲併力決戰。而它林登雖屢敗。法將親當命。是為始。列邦連合。雲集山積。而命兵總計二十萬。皆素

循驍勇。無一不當。百而命自指揮之。十八日。晨雨。日加午。法人先以砲擊英。乃戰。命命步騎馳突往返。出沒烟塵之中。英人為方陣以拒之。歷四時。英陣堅不可破。法軍死傷甚衆。乃退。至夜。普將伯路折至。乃復併力擊法軍。法軍敗績。命回巴里斯。英普二國之師到巴里斯。命計窮力盡。乃遜位遁于羅智福海口。將奔米里幹。時英船既在洋中。阻其去路。加以清夜月明。海面皖皖。匿影無所。不得已降于英。英之君臣議定流三厄里那島。島在亞弗利加遠洋中。而屬于英者也。十月十日。命抵于島。此時列邦公使復會維也



納九命之侵地。悉歸故王。或合或分。各得其所。又立  
路易十八為法王。互立盟約。不相吞噬。文政四年。命  
死埋尸于草萊之中。僅樹兩柳以表之。寂寞荒涼。航  
海之客。目擊慘心。然英威不滅。名聲籍甚。全歐之人。  
無不敬畏。天保十一年。法王非立乞尸于英以歸。擇  
爽塏之地而葬焉。

洋史氏曰。有事似善舉。而子孫不勝其弊者。趙宋是  
也。有事如暴舉。而後世受其益者。亞力山大是也。宋  
主趙匡胤懲五代亂。欲與民共康安。乃開館閣。編纂  
之事。以愚俊秀。然而後世士習文弱。遂滅于夷狄。

是豈事似善舉。而子孫不勝其弊者非耶。希臘主亞  
力山大。興大兵伐印度。陸行萬里。身死敵境。希臘分  
裂。歐洲復亂。然由其遠征。歐人益神智。閱識見。歐洲  
之文明。取基于此。故後世無不稱亞力山大之功德  
者。是豈事似暴舉。而後世受其益者非耶。拿破侖因  
法國之亂。攬上將之權。乘列邦之游惰。蹂躪歐洲。遂  
棄信背盟。自稱皇帝。未路顛蹶。躬謫孤島。而後流血  
始止。由是觀之。命也。如無用于宇宙者。然自其優  
列邦。列邦之民。不肯受虐政。故政事歸於脩明。政事  
脩明。故國富兵強。加以大亂之後。九百技藝益精。戰

鬪航海。俱窮其妙。自今列邦。皆得雄視宇內。向微命之蹂躪。安得至于此乎。然則命之遺澤。亦可謂大且厚矣。俄羅斯由彼得興。米里幹以華盛頰安。廢猶醫用正藥以癒疾。若夫全歐列邦。僻習頑固。非瞑眩之奇藥。難見其效。故天以命為醫歐之奇藥也。嗚呼。人君罷敝其國。則天常下藥。天藥一下。則痼疾不得不去。為人君者。其可不慎思哉。

萬國奇觀第三集終

萬國奇觀第四集

路易拿破侖記

路易拿破侖ルイナポレオン故法帝拿破侖保拿巴ボナパルト之姪也。前拿破侖娶奧女馬利生男。命既敗之後。奧帝留母子不還于法。後封子為列斯達侯。謂第二拿破侖。年十九而死。世傳被醜殺。以其無嗣也。路易拿破侖後稱第三。少時屢遭患難。長而權畧絕人。人亦以故拿破侖之故慕之。路易拿破侖亦務攬民心。嘗觀法國政亂。聚眾謀叛。再舉再蹶。囚于波莫。窺間遁于英國。竊待法國之亂。先是拿破侖保拿巴之時。法固有顛覆亂而

巨室世家。大損其勢。後數年。復有騷亂。而分田授土。頗得平均。及保拿巴被謫。法王故族攬政權。君威過重。民庶太困。自是法國復亂。路易拿破命幼時。歐洲更有二教。曰蕪西里斯。曰高門尼斯。皆求祛君威。得共和政治。作赤旗。集眾庶。自號赤色共和。各自樹黨。所在影從。歐洲中土及南部。翕然風靡。而法國受害最甚。先是法王路易非立行政共宜。嘗借民財。不務償之。無事之日。又課徵財貨以給私用。又亞不泥加多尔與王爭田土。力竭請降。約曰。願得率家族遷麥西若西里亞。法王許諾。而囚于波莫。瑞民與天主教徒爭鬪。法民素愛瑞民。而法王却助天主教徒。宰相更沙太亦勉贊成王之意。不與民同意。由是民心離散。怨讟大興。加以蕪西里斯之教入于法國。法民翕然和之。集眾謀叛。當嘉永元年正月。叛党益熾。充滿都街。更沙太辭職謝罪。叛民同聲相呼曰。何晚邪。遂襲王宮。殺傷流血。法王尚欲講和。而勢不可支。遂去王位。欲令其孫瓦列安斯侯得位。身與后妃服市人衣。靠妃肩。竄出宮門。更乘弊車。間關崎嶇。奔于英國。妃素善良慈仁。民聞之。無不慘然墮淚。瓦列安斯侯寡婦聞此變。登即携兩兒赴巴里斯。將以其子託政。

徒爭鬪。法民素愛瑞民。而法王却助天主教徒。宰相更沙太亦勉贊成王之意。不與民同意。由是民心離散。怨讟大興。加以蕪西里斯之教入于法國。法民翕然和之。集眾謀叛。當嘉永元年正月。叛党益熾。充滿都街。更沙太辭職謝罪。叛民同聲相呼曰。何晚邪。遂襲王宮。殺傷流血。法王尚欲講和。而勢不可支。遂去王位。欲令其孫瓦列安斯侯得位。身與后妃服市人衣。靠妃肩。竄出宮門。更乘弊車。間關崎嶇。奔于英國。妃素善良慈仁。民聞之。無不慘然墮淚。瓦列安斯侯寡婦聞此變。登即携兩兒赴巴里斯。將以其子託政。

府。到則王宮市街。騷擾紛亂。寡婦兩兒。殆不能保性命。寡婦知事危。携兩兒奔於稠人之中。行連呼曰。共和之黨。願得幸福。以故賊亦不怪之。遂遁于日耳曼。法王既奔于英。法國無主。叛黨遂推選首領五人。執政柄。定法制。整兵備。徧告會議于國中。望風來聚者。殆二十萬人。大賀共和政治之成。祝聲祝砲。轟轟震地。日耳曼各國之民。聞法國之亂。響應樹黨。唱共和政。以故普魯士王子。奧地利大臣。皆遁于英。其他王侯大臣。避亂他邦者多。英國亦有叛民。上書言。百姓人人得與聞軍國大政。書押於上者。稱五百人。然英

國既政律堅定。叛民不能亂。事遂治。此亂非獨起于歐洲。即南亞米利加洲列邦亦有之。年月相符。東西兩球。一齊動亂。民庶舉唱共和。亦可謂奇矣。法國共和政治首領五人。其一人則蘓西利斯黨人。曰列特。流羅林材能絕群。專掌內政。乃欲援其黨人。大開工作廠。廣招其類。來集者多。不能給價。欲令之回鄉。工人不肯。咸合心欲分取巴里斯人之財貨。都人忿怒。男女併力。欲逐賊以自全。所在格鬪。市街騷擾。共和政治兵將加排拿等率眾擊賊。四日始定。罰有罪。放蘓西利斯之黨人。巴里斯人民亦自是厭亂希寧。大

倚賴加排拿。然能安禍亂者。非加排拿即路易拿破  
命也。路易拿破命嘗避禍于英。竊待法國之亂。及嘉  
永元年之變起。再還于法。糾合士民。身為第二將。與  
加排拿共安巴里斯之亂。由是名望益隆。眾民顛仰。  
願其安禍亂。推之為大首領。期以四年。命務斥蘇西  
利斯之黨。漸奪議會之權。獨執政柄。勢威日盛。嘉永  
五年。期已滿。乃召兵張威。不肯避位。問眾民曰。汝不  
願朕之居位。更延十年乎。眾民從其言者七之五。政  
官門多連伯曰。吾望首領延期。非為私也。當今之時。  
非此君。法國安得太平乎。事乃定。尋嗣拿破命之蹟。

即帝位。號第三拿破命。悉取法王田宅園囿。以為已  
有。練士卒。繕兵器。大張國威。安政元年。俄伐土國。欲  
取君士但丁而據之。法帝與英援土。破俄講和。萬延  
元年。英伐支那。法國援之。陷北京。文久元年。意太里  
人格里巴爾地者。以兵驅逐奧人。在于意國者。奧帝  
聞之。伐意。法帝出兵救意。是役也。法帝出十餘萬。而  
親臨陣。奧人見其旗幟。重圍奮鬪。以圖生擒。然法帝  
常練精兵。以為親衛。故左衝右突。破圍而去。凡宇內  
有戰事。每仗義扶弱。蓋其意在設敵國外患。以一國  
人之心志也。自今聲威愈熾。列邦皆屬眼。向後為何

等事出來。宜族他日史藉之出而考之。

洋史氏曰。自古創業之生。其別有三。一曰舉賢相代。堯舜華盛頓是也。一曰滅敵垂統。漢高忽必烈是也。一曰逆取順守。漢土數朝多是也。余謂世之所謂逆取順守者。其論大謬。何則。漢土數朝創業之君。乘主家之衰。以積威篡奪之。而大舉先主之非。自示救民之意。然觀其所為。既取之後。務愚士民。專固宗室。未嘗慮全國之休戚如何。故末路積弊。全國疲困。或致奸雄之慶。或受四夷之侮。是則逆取逆守也耳。而謂之逆取順守。可乎。路易拿破侖釀法國之亂。為共和

政治首領。而又以兵威固位。取稱皇帝。可謂逆取耳。然既得位之後。鎮壓反側。安撫庶民。大開學校。有人材。仗義救列邦之難。以勇伐奸佞之謀。士馬精強。國威旺盛。全國彬彬。益赴文明。列邦無有不敬畏之者。由是觀之。漢土之務愚士民。專固宗室者。但可謂之逆取逆守。而若侖者。乃可謂之逆取順守也已。

萬國奇觀第四集終

萬國奇觀第五集

俄土戰爭記

俄羅斯國彼得大帝中興之後。英主繼起。賢能致力。邦本愈固。兵威日強。蓋彼得之志。在取土耳其。都于君士但丁。以并吞八荒。嗣王適承其志。邦人亦皆致力於此。故四顧窺隙。開拓土壤。一得土地。則竭地力。嚴兵防。與他國接兵。講和結盟。則其條約中。陰伏已之利。以開後釁。以兵威乘其弊。駸駸蠶食。現今版圖之大。倍于往昔。尼哥勞帝嘗助奧帝伐匈牙利。蓋施恩于奧。以為取土之道也。土國奉希臘教者四之三。

奉回教者四之一。然回教之後勢甚盛。頗壓希臘教。俄國原奉希臘教。尼哥勞觀其教見歷于土國。遣公使猛折高非于土。欲轄土之希臘教人。而據教祖故國耶路撒冷等處。土人謂如此則俄將專有土國也。不聽。希臘教與羅馬教亦不相和。而法蘭西崇羅馬教。聞俄欲據于耶路撒冷。亦欲助羅馬教人。據有猶太。然事不成。嘉永六年。俄人怒土人之不肯。使猛折高非聚兵於土之北境。將攻都城。土人亦出兵二十萬戍北。英法相議。謂必使土人得以立國。勿為俄所吞并。且俄國滅土。臨地中海。歐洲列邦。將被慘毒於

是發師船至黑海。防護土都君士但丁。英法填普土公使又與俄人會于維也納。議和。俄人不聽。英法師船泊別斯加港者。亦航他太尼里峽入于黑海。土軍四處渡多惱河。阿馬巴沙將兵二萬五千。破俄師于阿尔多泥沙。再進戰于加拉法。大敗俄師。俄人志益固。出示諭衆言。將盡滅回教。黑海南岸有一海口。曰西諾比。為土之水塞。俄海軍將拿斯猛非。以兵船自哥羅米之西巴斯多卜來攻。土以師船七隻防海口。俄師破之。殺四千人。英法遺戰書于俄。英海軍將拿比尔更以師船自波羅的海。至芬蘭灣。欲遙援黑海。



之戰乃攻慕摩散土再進攻亞蘭島然俄部波羅的  
海岸水寨砲臺整嚴器械完備勢不可犯於是英法  
相約欲取西巴士多卜奪俄國黑海之權英將拉格  
蘭將英船兼率土兵法將亞爾諾將法艦進攻哥羅  
米大破俄師登岸到亞爾馬河濱俄師五萬大砲一  
百駐于山嶺其將自恃險曰縱累三七日孰能破我  
亡幾英法師至立攻破之死傷者俄六千人英二千  
人法一千人俄帝遣援兵輪器械固守西巴士多卜  
英法之師諸道並進連克數壘砲聲殷天進到于應  
格曼此日天明微雨俄之諸壘全兵六萬王子亦在

軍中襲英法之師砲聲撼地彈丸如織兩軍互有死  
傷俄人退軍復固守諸寨而日夜出兵或頻發砲以  
亂敵營且西巴士多卜之壘守備愈嚴勢不可犯當  
此時黑海中多颶風兵船覆溺糧食重餼俱沒于海  
天寒風冷軍士飢凍死者甚多陣營四周人馬死體  
露出撒布不能收之嘉永二年正月各國公使與俄  
人會維也納商所以息兵者俄人不聽英國軍士遭  
難於俄者之父母妻子歸咎於宰相之不預設方畧  
高門士會議黜去宰相以巴米斯頓代之薩丁耶國  
惡俄之頑傲慕義發憤遣兵一萬五千援土奧地利

萬國新報  
觀望兩端。與英法盟。而尚不興師。英法益勵兵。日夜接仗。互有勝敗。英軍寨砦。離去海口。殆二十里。糧食運輸。疲於奔命。英人比多ビット創議築火輪車路。軍士便之。安政二年。俄主尼哥勞殂。長子亞力山大立。繼父之意。決然用兵。夏五月。英法薩土之師。會於哥力米者二十五萬。而維也納議和之事。竟寢。是月也。法主偕其后。到于英。修好。會女王於倫敦。六月。諸軍以大砲數百。連次擊俄。其飛報軍情也。用吸錢機。自哥力米。越黑海底。一千三百余里。迅速即至。次。彘通報。各國波羅的海中。戰艦數百。往來阻截。黑海中亦以舟

師邀獲軍裝糧食無算。月之七日。八日。諸道進擊。俄壘殺傷六千人。俘四百人。獲砲六十。英法之軍。死傷者亦四千人。先是十日。亞素海中水師。獲火輪船四。軍裝船二百四十。砲一百。火藥十五萬斤。糧食六十二萬袋。煤三十萬石等物。波羅的海中。俄人埋火機於海底。獲之。八月。有斯味堡之戰。俄人死者二千。英軍僅傷一人。九月八日。大戰西巴士多卜南方。俄師大潰。棄壘而奔。船砲二千數百。俱沈於海。英法之師。遂克其壘。獲大砲四千。飛砲鉛丸十萬。火藥三萬三千石。為自來未有之血戰。俄人死傷無算。遠近大震。

十月攻金本。俘俄人一千四百。獲砲一百七十。初俄人侵奪土壘及加爾士。至是土以六千人禦之。中有英之客將助之。大破俄人。後數月。加爾士軍民窮飢。不得已出降於俄。安政三年。英法議大出師。一戰決勝。壤地利使告俄。俾議和。否則助用兵。當此時。俄之師勞財匱。無所得志。將從之。遣使至巴里斯。與各國公使集議。議和諸條款。俄悉從之。三月和議成。於是英法之師去俄及土境。而凱旋其國。是役也。俄人兵火流離。死亡相繼。其數或云五十萬。或云百萬。法人死者六萬。英人二萬。土人不知其數。

洋史氏曰。余讀俄土戰記。自戒者二。一曰立志要大。一曰窮理宜勤。何謂立志要大。立志不大。則功業僅成。而敗兆乍萌。故越王平吳。范蠡避禍。後醍醐帝恢復故業。人心忽叛。是其志止於平吳。與恢復故業。故功業僅成。而敗兆乍萌也。俄主彼得中興其國。建彼得堡。臨芬蘭灣。抗歐洲列邦。為名譽國。古來創業中興之主。成功既如此。則廢開拓土壤之志。而專務自守之計。彼得則不然。垂死尚探亞細亞東隅。與亞米利加接否。又欲令子孫取土耳其都君士但丁。以并吞宇內。故嗣帝世世繼其遺志。不屑小功。不事苟安。

務固邦本。益講軍事。隔峽畧亞米利加。釀釁伐土耳其。孜孜圖強大不已也。是豈非彼得之立志遠大。遂成此勢耶。何謂窮理宜勤。夫黑海之西巴士多卜。俄國南邊要害之地也。故俄主堅其壘寨。充其糧械。守備益盡其力。而自國待敵。供給甚便。英法則不然。深入敵地。遠輸軍資。勢殊不便。二國頗困。殆如不能相持。有智士造鐵軌。行火輪車。旱路無碍運輸。設電線。瞬間飛報軍情。緣此英法之軍。大得便宜。遂得破俄壘。以撓其志。而蒸氣電氣。自今為軍事必用之物。是豈非窮理之力。大助戰捷耶。管子曰。器不利者。以其

士予人也。故兩將能齊。兩軍力同。則糧食充實。器械精利者。必勝矣。窮理之術。其可不講諸軍林乎。嗚呼。俄米法英。規模極大。戰術器械。愈極其妙。與此勁敵和親貿易。而尚恬然不察彼我之勢。亦危哉。

萬國奇觀第五集終

萬國奇觀後序

向余在病。久卧病。適亡友。鵜殿春風倦官  
遊歸。養母閑居。時屬嚴冬。短景既暮。狂飈  
怒號。寒威砭骨。忽有抵門拂簑雪者。出而  
迎之。則春風也。乃延之書樓。坐纔定。春風  
則曰。子未聞歐洲近日新報乎。普與奧戰  
大破之。北日各國皆屬于普矣。乃畫爐灰。  
畧作中歐地勢。指點以示曰。此北日也。此

法國也。普既管北日。則與法壤相接矣。而法帝路易拿破侖。雄鷲驕傲。好為人上。普之強盛迫已。固所不悅。必應不徒已焉。則歐洲騷擾自是始矣。因遂出所著萬國奇觀。屬余刪潤。余受而閱之。則內有路易拿破侖記。其末乃曰。侖之動靜。歐洲列邦皆屬目。後來作出何更來。當竝他日史藉之出而考之。余於是乎知春風之於侖注意。


亦深。乃開樽對酌。相與縱論歐洲列邦強弱盛衰之勢。不覺更既移。寒益烈。門前雪積數尺也。既未幾年。春風下世矣。而余疾又滋痼。今茲秋。遂訪鑿來于都。則法與普戰敗績。侖降于普。且期年。戰記陸續舶齎。譯本亦多出。而偶於一友人家。觀侖解劍見普王圖。意態蕭索。殊使人悽然。因回思春風雪夜畫爐灰之時。恍如昨日。乃欲與

善國音韻  
之讀記觀圖。論其成敗利鈍之所繇。而不可復得。安得余淚之不潸然沾臆哉。會春風。弟白峯駿馬。請飛川勝君。將刊此書。君既為之序。又俾余題一言。因叙區々悲慕之私。寘之卷尾云。  
明治辛未重陽後二日。越後小林庵撰于東京客舍。

東京

伊藤明德書

十





賣和所

東京

本町三丁目

瑞穂屋卯三郎

横山町三丁目

和泉屋金右衛門

芝神明前

岡田屋嘉七

書林

本町四丁目

吉田屋清兵衛

